

मेहंदी राचण लागी हाथा में,  
माजीसा रे नाम री,  
आई शुभ घडी देखो,  
म्हारे आँगन आज री,  
आई आई रे तेरस,  
ऊजीयालि चांदणी,  
हाथा मेहंदी रे रचाई,  
माजीसा रे नाम री ॥

सोजत नगरी सु मेहंदी मंगार्ई,  
सोने कटोरे थारी मेहंदी गलार्ई,  
बांटी बांटी रे मेहंदी भगता ने,  
थारा नाम की,  
आई शुभ घडी देखो,  
म्हारे आँगन आज री ॥

पाँच पचेता थारे,  
नाम रा लगाया,  
भगतारा मां भटीयाणी,  
भाग जगाया,  
आयो आयो रे रंग गेहरो,  
माँ थारे नाम को,  
आई शुभ घडी देखो,  
म्हारे आँगन आज री ॥

भायो माजीसा रे मन,  
मेहंदी रंग राको,  
जग रखवाली मैया,  
आवे नी घाटो,  
देवे देवे है माजीसा,  
कमी ना कोई बातरी,  
आई शुभ घडी देखो,  
म्हारे आँगन आज री ॥

मेहंदी को रंगड़ो छायो,  
छायो जगड़ा में,  
नव खोट चवदा भवन में,  
रंग गुली आवे,  
गावे गावे है मालीड़ो,  
चरणा राखे ध्यान जी,  
आई शुभ घडी देखो,  
म्हारे आँगन आज री ॥

मेहंदी राचण लागी हाथा में,  
माजीसा रे नाम री,  
आई शुभ घडी देखो,  
म्हारे आँगन आज री,  
आई आई रे तेरस,  
ऊजीयालि चांदणी,  
हाथा मेहंदी रे रचाई,  
माजीसा रे नाम री ॥

Singer Prakash Ji Mali,  
Sent By Chand mal mali

9521601050

Source:

<https://www.bharattemples.com/mehandi-rachan-lagi-hatha-me-majisa-re-naam-ri/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>